

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. II. Astruitur causalitas physica.

---

[urn:nbn:de:hbz:466:1-74152](#)

causalitate, tunc moveret voluntatem, quatenus est principium morale ejusmodi actus, & consequenter indirecte moveret ad ipsam malitiam, quæ ex voluntate quæ tali nata est sequi.

## §. II.

*Adstruitur causalitas physica.*

3. CONCLUSIO SECUNDA. *Aelius & materiale peccati in genere naturæ est à DEO physice influente. S. D. hic a. 2. cum communi. Ratio est: Omnis effectus creatus, in quo ratio entis participati, tanquam formalis terminus Divinae omnipotentiae intrinsecè reperitur, physice dependet ab influxu causæ primæ, primi entis & moventis: sed actus peccati est quidam effectus creatus, & ens participatum: ergo ut sic dependet à physico influxu DEI tanquam causæ & entis primi.*

4. Objicies: Si DEUS est causa actus physici in peccato, etiam est causa peccati formaliter: consequens non admittimus: ergo nec antecedens. Sequela probatur: Qui vult & causat antecedens, vult etiam & causat consequens, quod cum antecedente infallibiliter connectitur: sed malitia infallibiliter consequitur ad actum peccati, præterea intrinsecè mali, ut est v. g. odium DEI: ergo si DEUS vult & causat actum peccati, causat pariter malitiam actus.

Confirmatur primò. Qui est causa formæ, est etiam causa privationis, quæ huic formæ inseparabiliter connectitur, sicut ignis producendo calorem, hoc ipso causat privationem frigoris: ergo si DEUS physice causat actum, etiam causat malitiam, quæ est privatio rectitudinis inseparabiliter conjuncta cum actu.

Confirmatur secundò. Homo ideo peccat, & causat malitiam formalem peccati, quia liberè ponit actum peccati: ergo etiam DEUS causabit malitiam peccati, si libere concurrat ad physice ponendum actum peccati.

Confirmatur tertio. Si DEUS physice concurreret ad actum peccati, tunc operaretur contra suam propriam voluntatem: consequens est absurdum: ergo. Sequela patet; quia DEUS non tantum prohibet malitiam, sed etiam actum peccati: imo strâ prohibetur malitiam, nisi ipsum quoque actum prohibetur, ex quo malitia necessariò sequitur.

5. Respondeo negando sequelam: & maj. prob. vel nego, vel distinguo: qui causat antecedens, causat etiam consequens, quando hoc sequitur ex vi antecedentis, quatenus à tali causa positi, concedo; secus, nego. Sed malitia infallibiliter sequitur ad actum peccati, ex vi ipsius quatenus moraliter defectuose à voluntate creata positi, concedo; quatenus effectivè & physice positi, nego min. & consequentiam. Nam quia peccatum [ inquit S. D. citatus ] nominat ens cum quodam defectu, defectus ille non referuntur in DEU M scilicet in causam; sed in liberum arbitrium, in quantum deficit ab ordine primi agentis.

Ad 1. confirmationem est eadem distinctio: qui est causa formæ, est etiam causa privationis, si illa sequatur ex vi formæ quatenus à tali causa posita, concedo; secus, nego. Sed, ut dictum,

malitia non sequitur ex vi actus, quatenus à DEO & voluntate creata physicè promanans, sed ex vi liberi arbitrii defectuose operantis. Ad instantiam de calefactione patet disparitas, quia privatio frigoris sequitur ex vi novi caloris introduci.

Ad 2. Confirmationem nego antec. non enim peccat ideo solum quia liberè, sed quia defectuose ponit. Et si dicas: Ideo defectuose ponit quia liberè ponit: Respondeo: quia liberè ponit, libertate inclinante privatum defectuose regulæ rectæ rationis, concedo; non includens nego: adeo ut proxima ratio peccandi non habera positio actus prohibiti, sed privatum deftuosum proximæ regulæ rectæ operandi, ut laetus insinuavimus.

Ad 3. Confirmationem nego sequelam, & antecedens distinguo: DEUS prohibet etiam actionem ut est actus & ens nego; ut est malus, deformis, defectuosus, contrarius divinae legi, pertinens ad genus moris, sic concedo. Quemadmodum [ ut eleganti exemplo confirmat Sylvius] Christus DEUS vult actionem baptismalem. Etiam ab heretico, vel peccatore juxta ritum Ecclesiæ; siquidem illam actionem ipse principiter efficit: *Quos baptizavit ebrios, quos baptizavit adulter, si baptismus Christi erat, Christi baptizavit*, inquit D. August. Tr. 5. in Joan. ac tamen vult illam actionem, quâ ratione est mali & sacrilegæ; sic enim solum reducir in voluntatem defectuosam Ministri male operantis,

## §. III.

*Corollaria.*

Colliges primò. Quamvis DEUS concurrit ad actum & materiale peccati, non tamen propter ea dici posse aut debere causam & authorem peccati: Quia Tò peccatum supponit pro suo formalis significato, & non denotat solum actionem in linea naturæ, sed actum cum deformitate morali. *Quodcumque autem nomen* [ inquit S. D. in 2. dist. 37. q. 2. a. 2. deformatum simul cum actu significat, scilicet in generali his in speciali, non potest dici, quod a DEO sit simpliciter.

Colliges secundò. Influxum, quo DEUS concurrit ad actum peccati, non esse concurrentem solummodo simultaneum, sed præviū & determinativum; siquidem est actualis causalitas & influxus causa prima, de cuius essentia est, ut sit prior prioritate naturæ, quam suis effectus, & omnime ens creatum ac participatum.

Neque dicas. Illa motio prævia est longe efficacior, & insuperabilior, quam quavis motio moralis: ergo si ratione motionis moralis DEUS dicteret & esset Author peccati, erit etiam ratione prævia istius physice motionis. Nam respondeo, præterquam quod hoc argumentum etiam militet contra concurrentem simultaneum, dist. antec. hac motio est efficacior intensivè, permanendo videlicet intra linæ naturæ, concludo; extensivè, seu attingendo linæ moris, nego antec. & consequentiam. Addo, quod ratio, cur DEUS esset author peccati, si adum ipsum causaret moraliter, non sit efficacia motionis, prout in arguento supponitur, sed motus defectuosus; nam suadere aliquid amplectendum negredo.